

APERTURA EXPOSICION DI PINTURA DI HUBERT BOOI

DEN AMBIENTE

****** Diadomingo atardi ultimo a tuma lugar den Biblioteca Nacional Aruba, exposicion di pintura di e gran artista Hubert Booi. Prome cu e pinturanan a ser exhibi, a rindi un homenahe na Hubert "Lio" Booi titula "E FLAMINGO ARUBIANO".

E homenahe a inicia cu e canto di nos glorioso "Himno di Aruba" canta pa "De Trupialen". Maestro di ceremonia tabata na encargo di Ito Tromp. Entre e invitadonan tabata presente Gobernador Mr. Olindo Koolman y su distinguido Sra. Dora Koolman.

Padu del Caribe a haci

presentacion di e buki "E Perla di Caribe", mientras cu Ruthy Vrieswijk-Bergen a recita un poesia "Un amigo, un ruman". Hubert Booi tambe a declama un bunita poesia. Tambe tabata tin presentacion di "De Trupialen", Maybeline Arends-Croes y su grupo di canto y tambe Famia Booi a duna un presentacion di sorpresa.

Despues e invitadonan a haya e oportunidad pa aprecia e pinturanan. E exposicion di e pinturanan di Hubert Booi lo ta habri pa publico e siman aki durante horario di Biblioteca Nacional Aruba.

